



De Lëtzebuerger Auteur Joseph Kayser

Wann ëmmer alles esou einfach wier

LUXEMBURGENSIA (4) „Gleef net, wat d'Fréijoer der verspricht" vum Joseph Kayser



© J. L. Schmitz

Jeff Schinker

Knapp ee Joer no sengem misanthropeschen „De Mann, deen ëmmer laacht" verëffentlecht de Joseph Kayser „Gleef net, wat d'Fréijoer der verspricht", ee Roman iwwert schlafend jiddesch Konten, dee sech leider dem nämlechte Virwërf wéi „Stella" vum Takis Würger an „Charlotte" vum David Foerkinos stelle muss – nämlech, jiddesch Geschicht als Virwand fir eng pathosgelueden, deelweis uerg kitscheg Fiktioun ze benotzen.

Zanter bal 40 Joer schafft den Arthur Schimberg, dee „gutt installéiert a sengem Eleng" um Lampertsberg haust, fir di lëtzebueresch Filial vun der däitscher Drebenstatt-Bank. Seng lescht Mission: Dokumenter archivéieren, fir d'Schléissung vun der Filial no de gesetzliche Normen z'erméiglechen. Den Arthur ass ee Mann ouni besonnen Eegeschaften, eng lücht blatzeg Figur, déi an dëser Zort Bildungsroman Faarf wäert kréien – an historesch Faarf muss bekennen.

Dem Arthur säi präzis geregelten Alldag tëschent Maria-Callas-Placken, den Archive vun der Bank a senger Leidenschaft fir Velostrajete gëtt nämlech um Ufank vum Buch op d'Kopp geheit – engersäits kommen Erënnerungen un d'Duechter vum Patron, an déi e sech verléift hat, héich, anerersäits gëtt hie vun dräi louche Gestalten an de Westeschgaart gelackelt. Do versichen déi onscheinbar Männer, hien als Inside Man ze rekrutéieren – hie soll hinnen hëllefen, „d'Ongerechtegkeet", „de

Schmu" an „déi Sauereien, déi am Krich an an den éischte Joren duerno gelaf sinn" opzedecken. Dobäi spillt ee Bichelchen, dat déi sellegen anonym Kontosnummern, déi hien am Alldag repertoriéiert, u konkret Nimm bënnt, eng grouss Roll. Séier sinn dann och dräi aner louche Gestalten, déi Kéier mat geschuerene Käpp a Liederjacketten, um Carnet interesséiert.

Wéi den Arthur dann och nach déi kribbskrank Marie Goldschmidt, där hire Familljennumm och am Bichelchen opdaucht, kenneléiert, huet wuel jiddwer Lieser begräff, dass et em schlafend Konte geet. Leider muss dem Arthur Schimberg de Plot bis an de leschten Detail erkläert ginn, woubäi ee sech freet, op de Joseph Kayser de Lieser net vläicht ze vill mat der Hand wollt huelen oder op säin Uleies, eng extrem naiv Hauptfigur ze zeechen, hien dozou verleet huet, den Arthur mat ze weineg groer Matière z'ekipéieren.

Op alle Fall muss d'Marie Goldschmidt dem Arthur verdäitlichechen, wat et mat den Zuelen an den Nimm a sengem Bichelchen op sech huet: „Eis Eltere kruten am Krich gesot, se sollen hiert Geld op déi Bank ginn. Dat wär dee sécherste Wee, et nom Krich nees erëmzékriien. Just dass nom Krich kee méi wouss, kee méi wollt wëssen, wat mat all deem Geld geschitt ass." Duerno krit den Arthur dann och nach erkläert, wieso net all Familljemember de Krich iwwerlieft huet („Theresienstadt. Scho mol héieren?" freet d'Marie) – an dass Goldschmidt, tiens donc, ee jiddeschen Numm ass („Judden? Deng Famill war (sic!) jiddesch?", freet den Arthur).

Esou vill historesch Onwëssen-

heet ass bei enger Figur, déi an aneren Domainen e gewisse Grad u Kultivéierung opweist, relativ onglawwierdeg a verwonnert och a spéidere Passage vum Roman ëmmer nees: De Kontrast tëschent enger all ze däitlicher Onomastik – een Agent vum jiddesche Geheimdéngscht heescht beispillsweis Samuel Stein – an der Naivitéit vum Arthur wierkt konstruëiert an onbehollef. Wann de Schimberg ganz bewusst de Käpp an de Sand hält wéilt stiechen, hält dat mat aneren, méi subtilen erzieleresche Mëttele kënnen ausgedréckt ginn – d'Wourecht kann een ëmmer nëmme bis zu engem bestëmmten Abléck ënnerdrécken.

Schlafend Konten

Wat ufänglech nach als dramatesch Ironie duerchgeet – de Lieser weess quasi zu all Zäitpunkt méi, wéi dem Kayser seng Figur –, fänkt iergendwann un, d'Erzielung u sech ze kontaminéieren. Esou ergi verschidden Handlungswendungen weineg Sënn, well d'Grenz tëschent Fiktioun an Dokumentatioun onkloer ass. Elementer, déi dem Lieser weineg plausibel virkommen (fir der Marie hir Suen zréckzékriien, gret et duer, dass den Arthur der Gerante vun enger Schwäizer Bank eng Kontosnummer uvertraut) beséieren op historescher Recherche – dass dem Lieser dëst entgeet, läit och dorunner, dass aner Passagen ze paradesch sinn an de Roman dofir säin Toun net wierklech féint (während engem haselege Showdown zerklappe sech déi zwoe Geheimdéngschter wéi Schoulbouwe virun den Ae vun engem besoffenen Arthur, dee schlussfolgert, si géilen hien „elo, wou se sech begeint sinn" net méi brauchen an dofir och mat Rou loossen).

Et wierkt, wéi wann de Joseph Kayser a sengem Wierk ganz no der Bestseller-Logik esou vill Theme wéi méiglech hätt wëilt ennerbréngen. Nieft dem historeschen Opschafte vu schlafend jiddesche Konten – ee wichtegt Thema, deem seng Verflechtung

an enger Fiktioun u sech luewenswäert ass – ass dem Kayser säi véierte Roman gläichzäitig een Agent-Thriller, an deem senger Mëtt ee lücht beschränkte Personnage steet (et denkt een deelweis un eng manner gelungen, net immens witzeg Versioun vun de Coen-Bridder hirem „Burn After Reading"), eng kitscheg, melodramatesch Love-Story mat enger louchen Dräiecksbeziehung an eng verwéckelt Familljengeschicht mat engem Inzestplot, dee lücht ze duerchkucken ass. Niewebäi daucht mam Tibbo och nach eng Figur op, déi et dem Kayser erlaabt, iwwer verlairen Dreem, verschenkte Jugend, Ofhängegkeet a Bierperlecheet ze sinnéieren.

Wat vum Dag bleift

An all deem verléiert den Auteur dat, wat d'Hauptthema vum Buch hätt solle sinn – d'schlafend Konten – aus den Aen, sief et, well et just ee Virwand fir säi Melo-Thriller war, oder well en ze vill Handlungssträng gläichzäitig opreife wollt. Mam Resultat, dass den zentrale Sujet mat Gläichgëltegkeet, deels esouguer mat Respektlosigkeit behandelt gëtt – ee Virwurf, deem dem Takis Würger virun engem Joer no der Verëffentlechung vu sengem Roman „Stella" gemaach gouf an deem d'Ofwieseneheet vu präziser historescher Dokumentatioun just bestätegt.

An der Aart, wéi eng Figur sech lues a lues der Enormitéit vun der Nazi-Ideologie an den déifgoende Verstréckunge mat hirem eegene Liewe stellt, erënneret dem Kayser säi „Fréijoer" un „The Remains of the Day". Mä do wou dem Kazuo Ishiguro säi Roman eng naiv Butlerfigur duerstellt, déi um Roadtrip zu hirer verpasster Léift feststellt, dass si engem Kollaborateur gedéngt a sech der Nazi-Ideologie quasi stellvertredend verschriw-

„Gleef net, wat d'Fréijoer der verspricht" vum Joseph Kayser Editions Schortgen, 2020 129 Säiten ISBN 978-99959-36-92-1

wen huet, bleift hei de Moment vun der Epiphanie aus. Dem Arthur Schimberg seng Erkenntnis, onbewusst kollabéiert ze hunn, féiert weder zur grousser Rebellion nach zu enger Alrostellung vum eegene Liewen: Säi Geste vun der Reparatioun bleift limitéiert, onbehollef, hien interesséiert net mol den Hannergrond vun der Famill Goldschmidt, mä just seng perséinlech Relatioun mat der Marie – dobäi befanne sech honnerte vun aneren Nimm a sengem Bichelchen. Kloer, och kleng Gesten zielen – mä den Arthur Schimberg hannerfreet säi Weltbild net, mierkt net, dass seng Handlung net duergeet, hält am Léifste mat der ganzer Saach näischt ze dinn.

Well de Roman ze vill matenee wéll, verpasst en de Rendezvous mat engem Thema, dat en opschaffe wollt. D'Erzielung geet net wäit, ass net daper genuch, verléiert sech an Niewenhandlungen a gëtt esou zum Spigelbild vun hirer Hauptfigur. All dat ass ëmsou méi schued, well dem Kayser seng Schreif ee Strapp evolueiert huet – hienardo wierken d'Billen zwar ze bemët oder de Stil ass ze belanglos, mä et spiert een eng Ausenansetzung mat der Sprooch, eng Sich no Präzisioun, déi an de viirege Bicher net ëmmer do war.

RADIO 4
Donneschdeg
4.6.2020
20h00-22h00
Jazz Aller Retour
Aales a virtuel allem Nimm.
Vil Improvisatioun, kee Mainstream
man Slow